




**Komisija za izbor i imenovanja
i administrativna pitanja**
Broj: 01-04-35/25
Sarajevo, 04.07.2025.godine

**SKUPŠTINA KANTONA SARAJEVO
ZASTUPNICIMA/POSLANICIMA**

Predmet: Prijedlog Odluke o standardima i kriterijima za izbor i imenovanje na pozicije predsjednika i članova Nadzornog odbora Kantonalne agencije za privlačenje investicija i privatizaciju, dostavlja se

Komisija za izbor i imenovanja i administrativna pitanja Skupštine Kantona Sarajevo, na sjednici održanoj dana 04.07.2025. godine, u skladu sa članom 37. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) utvrdila je prijedlog Odluke o standardima i kriterijima za izbor i imenovanje na pozicije predsjednika i članova Nadzornog odbora Kantonalne agencije za privlačenje investicija i privatizaciju, koji vam dostavljamo na razmatranje i odlučivanje.

S poštovanjem,



PREDSEDavajući KOMISIJE
Elvedin Okerić

Dostaviti:
- naslovu,
- a/a.



Na osnovu člana 7. stav (2) Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13) i čl. 117. i 119. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13 i 47/15, 48/16, 9/20, 14/20, 16/22, 17/22-Ispravka i 47/24), Skupština Kantona Sarajevo, na sjednici održanoj dana 2025. godine, donijela je

- PRIJEDLOG -

**ODLUKU
O STANDARDIMA I KRITERIJIMA ZA IZBOR I IMENOVANJE
NA POZICIJE PREDSEDNIKA I ČLANOVA NADZORNOG ODBORA
KANTONALNE AGENCIJE ZA PRIVLAČENJE INVESTICIJA I PRIVATIZACIJU**

**Član 1.
(Predmet Odluke)**

- (1) Ovom odlukom Skupština Kantona Sarajevo (u daljem tekstu: Skupština) utvrđuje standarde i kriterije za izbor i imenovanje na pozicije predsjednika i članova Nadzornog odbora Kantonalne agencije za privlačenje investicija i privatizaciju (u daljem tekstu: Nadzorni odbor).
- (2) Nadzorni odbor provodi nadzor nad zakonitošću rada i finansijskog poslovanja Kantonalne agencije za privlačenje investicija i privatizaciju.

**Član 2.
(Uslovi za imenovanje)**

- (1) Za predsjednika ili člana Nadzornog odbora može biti imenovan kandidat koji ispunjava sljedeće opće uslove:
- a) da je državljanin Bosne i Hercegovine,
 - b) da je stariji od 18 godina,
 - c) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
 - d) da se na tog kandidata ne odnosi član IX 1. Ustava BiH;
 - e) da nije osuđivan za krivično djelo,
 - f) da nije osuđivan za privredni prijestup,
 - g) da se protiv njega ne vodi krivični postupak,
 - h) da nije na funkciji u političkoj stranci,

- i) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj: 70/08).

(2) Pored općih uslova iz stava (1) ovog člana, kandidat koji se imenuje za predsjednika ili člana Nadzornog odbora, treba da ispunjava i sljedeće posebne uslove:

- a) da ima univerzitetsku diplomu ili akademske kvalifikacije najmanje VII stepena stručne sprema, odnosno visoko obrazovanje prvog ili drugog ili trećeg ciklusa Bolonjskog sistema studiranja,
- b) da ima najmanje pet godina radnog staža u struci,
- c) da je upoznat sa propisima iz oblasti privatizacije,
- d) da posjeduje sposobnost da savjesno, odlučno i odgovorno obavlja upražnjene pozicije,
- e) da posjeduje sposobnost nepristrasnog donošenja odluka,
- f) da posjeduje sposobnost upravljanja finansijskim resursima i naklonjenost timskom radu,
- g) da posjeduje komunikacijske i organizacijske sposobnosti,
- h) da nije član upravnog ili nadzornog odbora ili drugog organa upravljanja u drugom organu ili instituciji.

(3) Dokaz o ispunjavanju uslova iz stava (1) tačke e), f) i g) ovog člana, pribavlja organ imenovanja, po službenoj dužnosti, samo za izabrane kandidate i tek po okončanju javnog oglasa.

(4) Predsjednik i članovi Nadzornog odbora imenuju se na period od četiri godine i mogu biti ponovno imenovani.

Član 3. (Oglašavanje)

(1) Na osnovu općih uslova utvrđenih u članu 7. stav (1) Zakona o ministarskim, vladinim i drugim imenovanjima Federacije Bosne i Hercegovine i standarda i kriterija iz ove odluke Skupština će, putem Komisije za izbor i imenovanja i administrativna pitanja Skupštine Kantona Sarajevo, raspisati javni oglas za imenovanje na pozicije predsjednika i članova Nadzornog odbora.

(2) Komisija za izbor i imenovanja i administrativna pitanja Skupštine Kantona Sarajevo će imenovati komisiju za provođenje javnog oglasa iz stava (1) ovog člana.

Član 4. (Ravnopravnost pri izboru)

Prilikom utvrđivanja ili primjene standarda neće se vršiti diskriminacija prema bilo kome na osnovu rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili zbog postojanja presude za koju je izrečeno pomilovanje.

Član 5. (Čuvanje standarda i kriterija)

Standardi i kriteriji za imenovanje čuvaju se u evidenciji Komisije za izbor i imenovanja i administrativna pitanja Skupštine Kantona Sarajevo.



Član 6.
(Prestanak važenja dosadašnje Odluke)

Stupanjem na snagu ove odluke prestaje da važi Odluka o standardima i kriterijima za imenovanje predsjednika i članova Nadzornog odbora Kantonalne agencije za privatizaciju Sarajevo („Službene novine Kantona Sarajevo“, broj: 31/17).

Član 7.
(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

Broj: 01-04- /25
.0 .2025. godine
S A R A J E V O

PREDSJEDAVAJUĆI
SKUPŠTINE KANTONA SARAJEVO

Elvedin Okerić



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>, E-mail: skupstina@skupstina.ks.gov.ba

3/4

O B R A Z L O Ž E N J E

I PRAVNI OSNOV

Pravni osnov za donošenje Odluke o standardima i kriterijima za izbor i imenovanje na pozicije predsjednika i članova Nadzornog odbora Kantonalne agencije za privlačenje investicija i privatizaciju sadržan je:

- u članu 7. stav (2) Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), kojim je propisano da će odgovorni javni službenik (u ovom slučaju Skupština Kantona Sarajevo) utvrditi standarde za izbor i ocjenjivanje u smislu stepena obrazovanja, znanja i iskustva, poznavanja stranih jezika i drugog, a što je po njegovom mišljenju neophodno ili poželjno s obzirom na prirodu poslova koje treba obavljati;

- u članu 117. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24): „Skupština donosi Ustav, zakone, budžet i izvještaj o izvršenju budžeta, prostorni plan Kantona, Poslovnik Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta.”

- u članu 119. Poslovnika: „Odluka je skupštinski akt koji se donosi radi izvršavanja ili konkretizacije Ustava, zakona ili drugih općih akata ili njihovih pojedinih dijelova. Odlukom se odlučuje i o drugim pravima i obavezama Skupštine kada je to Ustavom, zakonom, drugim općim aktom ili ovim poslovníkom određeno.”

II RAZLOZI ZA DONOŠENJE

Stupanjem na snagu Zakona o Kantonalnoj agenciji za privlačenje investicija i privatizaciju („Službene novine Kantona Sarajevo“, broj: 19/22) izmijenjeni su naziv ali i nadležnosti Kantonalne agencije za privatizaciju Sarajevo. S tim u vezi, neophodno je izvršiti usklađivanje postojeće Odluke o standardima i kriterijima za imenovanje predsjednika i članova Nadzornog odbora Kantonalne agencije za privatizaciju Sarajevo („Službene novine Kantona Sarajevo“, broj: 31/17).

Shodno navedenom, a u skladu sa članom 37. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), Komisija za izbor i imenovanja i administrativna pitanja Skupštine Kantona Sarajevo, na sjednici održanoj dana 04.07.2025. godine, utvrdila je prijedlog Odluke o standardima i kriterijima za izbor i imenovanje na pozicije predsjednika i članova Nadzornog odbora Kantonalne agencije za privlačenje investicija i privatizaciju, koji se uz kompletnu dokumentaciju dostavlja Skupštini Kantona Sarajevo na razmatranje i odlučivanje.

III FINANSIJSKA SREDSTVA

Za provođenje ove odluke nisu potrebna dodatna finansijska sredstva iz Budžeta Kantona Sarajevo.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>, E-mail: skupstina@skupstina.ks.gov.ba

4/4

када је разрјешење извршено без проведеног правичног и прописаног поступка.

Члан 15.

Тајност и заштита податка

Лични подаци о подносиоцима пријава су тајни и могу се прикупљати и обрађивати само у складу са одредбама Закона о заштити личних података Босне и Херцеговине ("Службени гласник БиХ", број 32/01).

Члан 16.

Приговори

1. У случају када постоје докази да принципи утврђени у члану 3. овог закона, или поступци, нису испоштовани, било који члан јавности може да поднесе приговор на коначно именовање у складу са одредбама овог закона.
2. Приговор се подноси одговорном јавном службенику, а копија се доставља омбудсмену за људска права Федерације (Закон о Омбудсмену Федерације Босне и Херцеговине, "Службене новине Федерације БиХ", број 32/00). Одговорни јавни службеник ће у року од седам дана од дана пријема приговора обавијестити подносиоца приговора о улози омбудсмена.
3. Одредбама овог закона се ни на који начин не могу ограничити овлаштења омбудсмена утврђена Законом о Омбудсмену Федерације. Омбудсмен може предузети све мјере неопходне да се приговор испита. Омбудсмен може покренути питања везана за поступак именовања на који се приговор односи и може захтијевати да одговорни јавни службеник његовој канцеларији достави све документе и списе везане за наведено именовање.
4. Одговорни јавни службеник мора канцеларији омбудсмена доставити писмени одговор на приговор у року од 14 дана од дана када је дат приговор.
5. Уколико већина доказа упућује да је коначно именовање извршено у супротности с принципима из члана 3. овог закона и поступцима утврђеним овим законом, омбудсмен је дужан да надлежном јавном службенику писмено информише о свим неправилностима које су проистекле из процеса именовања.
6. Омбудсмен је дужан да припреми налаз и закључке везано за приговор. Закључци могу садржавати препоруку тамо гдје докази упућују, како је горе наведено, да је дошло до кршења принципа из члана 3. овог закона и процедура утврђених овим законом. Омбудсмен може, без изношења повјерљивих информација (укључујући и личне податке о кандидатима), објавити налазе и закључке, укључујући и препоруке. Такође, омбудсмен доставља своје налазе и закључке лицу (или лицима) које је поднијело приговор.

Члан 17.

Поступање по препоруци омбудсмена

1. Када је налаз омбудсмена коначан по питању да поступак именовања није проведён у складу са одредбама овог закона, омбудсмен може дати препоруку одговорном јавном службенику да се коначно именовање поништи и да се приступи новом поступку именовања.
2. Уколико омбудсмен да препоруке одговорном јавном службенику с циљем да се усвоје нове мјере, одговорни јавни службеник је дужан да у одређеном временском року достави писмени одговор у којем ће обавијестити омбудсмена о поступцима и роковима за провођење тих поступака на основу наведених препорука.
3. Ако одговорни јавни службеник не одговори у складу са одредбама става 2. овог члана, или ако омбудсмен није задовољан наведеним одговором или приједлогом мјера на основу његових препорука, своје налазе и препоруке везано за именовање упућује Парламенту Федерације.

Члан 18.

Завршне одредбе

1. Овај закон ће се читати заједно са и као допуна постојећим законима, уредбама, правилима односно, прописима Федерације односно Босне и Херцеговине, и осим ако ти закони, правила, уредбе односно и прописи нису у супротности са одредбама овог закона, те се њиме не мијења

лице или орган (укључујући сваког министра у влади, владу, кантоналне, градске или општинске органе, другог званичника или орган) који је овлаштен за коначно именовање лица у регулисани орган према постојећим законима, правилима, уредбама, односно прописима.

2. У року од три мјесеца од ступања на снагу овог закона, влада Федерације, кантонални, градски и општински органи власти доставитће омбудсмену списак свих лица која се налазе на позицијама на које се овај закон односи заједно са описом тих позиција као и тренутно упражњене позиције.

Члан 19.

Прелазне одредбе

Поново именовање

1. Без обзира на одредбе члана 14. овог закона, одговорни јавни службеник може у року од 12 мјесеци од ступања овог закона, а на основу одредаба овог закона, провести поступак ревизије свих именовања на садашње позиције.
2. На основу поступка ревизије из претходног става, одговорни јавни службеник може, у правичном и правилном поступку, разрјешити именовања лица и за те позиције провести нови поступак именовања у складу са одредбама овог закона.
3. У смислу овог закона и док Закон о државној служби у Федерацији не ступи на снагу, све референце у овом закону на Закон о државној служби тумачиће се као референсе на Закон о државној служби у институцијама Босне и Херцеговине. Кад год се у овом Закону користи израз "државна служба" његово значење је исто као у Закону о државној служби у институцијама Босне и Херцеговине. Уз то, референсе у Закону на "институције Босне и Херцеговине" ће се, у зависности од контекста, тумачити, у сврху овог закона, као институције Федерације Босне и Херцеговине.

Члан 20.

Ступање на снагу

Овај закон ступа на снагу 26. фебруара 2003. године.

Председавајући Дома народа Парламента Федерације БиХ Славко Матић, с. р.	Председавајући Представничког дома Парламента Федерације БиХ Мухамед Ибрахимовић, с. р.
---	--

Na osnovu člana IV. B. 7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O MINISTARSKIM, VLADINIM I DRUGIM IMENOVANJIMA FEDERACIJE BOSNE I HERCEGOVINE

Proglašava se Zakon o ministarskim, vladinim i drugim imenovanjima Federacije Bosne i Hercegovine koji je donio Parlament Federacije BiH na sjednici Predstavničkog doma održanoj 24. aprila 2003. godine i na sjednici Doma naroda od 28. maja 2003. godine.

Broj 01-477/03
14. jula 2003. godine
Sarajevo

Predsjednik
Niko Lozančić, s. r.

ZAKON

O MINISTARSKIM, VLADINIM I DRUGIM IMENOVANJIMA FEDERACIJE BOSNE I HERCEGOVINE

Члан 1.

Predmet Zakona

1. Ovim zakonom utvrđuje se otvoreni postupak izbora kojim se vrši konačno imenovanje i ponovno imenovanje na pozicije u reguliranim organima definiranim u daljem tekstu.

2. Ovaj zakon primjenjuje se na svim nivoima vlasti u Federaciji Bosne i Hercegovine (u daljem tekstu: Federacija) uključujući kantone, općine i gradove.

Član 2.

Pojmovi

1. U smislu ovog zakona pojmovi u ovom članu imaju sljedeće značenje:
- 1.1. "Kriteriji za imenovanje" su stepen obrazovanja, stručno znanje/iskustvo i drugi utvrđeni uvjeti za popunjavanje pozicije u reguliranom organu.
 - 1.2. "Sukob interesa" predstavlja situaciju u kojoj lice predloženo za imenovanje, u skladu s odredbama ovog zakona, ima privatni interes u reguliranom organu u koje se predlaže da bude imenovano, a što može imati uticaja na zakonitost, javnost, objektivnost i nepristrasnost u vršenju njegove funkcije u reguliranom organu.
 - 1.3. "Konačno imenovanje" je konačni čin potvrđivanja imenovanja koje vrši lice ili organ (uključujući ministra u vladi, vladu, kantonalne, gradske i općinske organe vlasti) u regulirani organ nakon što je ispoštovan postupak izbora utvrđen ovim zakonom.
 - 1.4. "Otvorena konkurencija" je konkurencija za poziciju u reguliranom organu koja je otvorena za sve koji su kvalifikovani i koja se provodi u skladu sa principima iz člana 3. ovog zakona i postupcima utvrđenim ovim zakonom.
 - 1.5. "Regulirani organ ili organi" (zavisno od konteksta) je:
 - (i) organ u kojem vlada, kantonalni, gradski ili općinski organi vlasti imaju pravni interes (uključujući vladine agencije i preduzeća, bez obzira na to da li su u cjelini ili djelimično u vlasništvu vlade, penzijski fondovi i slično);
 - (ii) nije obuhvaćen Zakonom o državnoj službi niti je izričito izuzet navedenim zakonima; i
 - (iii) u kojem vlada ili vladini organi ili Parlament Federacije odnosno kantonalni, gradski ili općinski organi vlasti prema važećim zakonima, pravilima i propisima imaju zakonito pravo da vrše nominaciju odnosno imenovanje u taj organ.
 - 1.6. "Odgovorni javni službenik" je ministar ili drugo lice ili organ u čijoj je nadležnosti regulirani organ i koji, prema odredbama ovog zakona, ima krajnju odgovornost da osigura da postupak izbora na koji se primjenjuje ovaj zakon bude proveden u skladu sa principima iz člana 3. ovog zakona i postupcima utvrđenim ovim zakonom.

Član 3.

Principi Zakona

1. Konačno imenovanje se ne može izvršiti ukoliko nisu ispoštovani principi utvrđeni ovim članom.
2. Osim ako nisu izričito izuzeti odredbama člana 4. ovog zakona svi postupci imenovanja provode se na način kojim se osigurava poštovanje i primjena sljedećih principa:
 - (A) Zakonitosti: odgovorni javni službenik osigurava da se sva javna imenovanja vrše na zakonit način i u skladu sa svim važećim pravilima, propisima i zakonima.
 - (B) Kvalitet: glavni princip kojim se rukovode sva imenovanja je princip izbora na osnovu kvaliteta putem dobro informiranog izbora lica koja po svojim sposobnostima, iskustvu i kvalitetima odgovaraju potrebi reguliranog organa koji je u pitanju.
 - (C) Nezavisne provjere: sva imenovanja vrše se na način koji omogućava da ih provjerava nezavisna treća strana (uključujući organe i organizacije) koja nije učestvovala u procesu imenovanja.
 - (D) Otvorenosti i transparentnosti: principi javnosti upravljanja primjenjuju se na proces imenovanja. Funkcioniranje procesa mora biti transparentno i, osim ako informacija nije povjerljiva prema

odredbama člana 15. ovog zakona kada je predviđeno ovim zakonom, pojednostoj o imenovanjima u reguliranim organima moraju se obznani.

- (E) Zastupljenost pri zapošljavanju: odgovorni javni službenik nastoji da osigura da se kod imenovanja na javnu poziciju po pravilu odražava sastav naroda i građana Bosne i Hercegovine.

Član 4.

Izuzeca u primjeni

1. Imenovanja iz st. od 2. do 4. ovog člana nisu obuhvaćena odredbama ovog zakona.
2. Nominacije/imenovanja na kraći period: ovo su nominacije ili imenovanja na najviše dva mjeseca koja se ne mogu ponoviti i za koja ukupna naknada za cijeli period ne iznosi više od 5.000,00 KM.
3. Sticanje radnog iskustva (uključujući programe i planove): ovo je imenovanje čiji je cilj da kandidat stekne radno iskustvo. Vrš se na najduže šest mjeseci i ne može biti plaćeno, ali se može plaćati naknada putnih i drugih neophodnih troškova. Međutim, ako su troškovi veći od iznosa 500,00 KM mjesečno u periodu pripravnštva primjenjuju se odredbe ovog zakona.
4. U svakom slučaju imenovanja na funkciju savjetnika bilo kojem od zvaničnika iz ovog stava, ta imenovanja se izuzimaju od odredbi ovog zakona: članovi Parlamenta Federacije, predsjednik i potpredsjednici, premijer Vlade Federacije, ministri u Vladi, članovi vlade kantona, članovi skupština kantona, članovi općinskih vijeća, načelnici općina i članovi gradskih vijeća i gradonačelnici.

Član 5.

Kandidati koji se ne kvalifikuju

Bilo koje lice koje je na funkciji u političkoj stranci ne može biti konačno imenovano ("kandidati koji se ne kvalifikuju"). Prilikom odbacivanja prijava takvih kandidata odgovorni javni službenik dužan je da jasno kaže da se prijava odbacuje iz razloga što je prijavljeno lice kandidat koji se ne kvalifikuje. Bez obzira na prethodno, kandidat koji se ne kvalifikuje, a koji odstupa s položaja na koji je izabran prije nego što se izvrši konačno imenovanje može se uzeti u obzir za razmatranje za konačno imenovanje u skladu s principima i postupcima utvrđenim u ovom zakonu.

Član 6.

Odgovornost

1. Odgovorni javni službenik ima konačnu odgovornost da osigura da se sva imenovanja izvrše u skladu sa odredbama ovog zakona, kao i da osigura da se nijedno konačno imenovanje u regulirane organe ne izvrši ukoliko nisu primijenjene odredbe ovog zakona.
2. Kada proces imenovanja utvrđen ovim zakonom vrši lice u ime odgovornog javnog službenika, odgovorni javni službenik je odgovoran za nadgledanje postupka i (i) odobrava kriterije za imenovanje i (ii) osigurava da se ovi kriteriji ne mijenjaju kada postupak već započne i (iii) osigurava da svi kandidati koji su mu dostavljeni na potvrdu ispunjavaju kriterije i standarde za imenovanja.
3. Odgovorni javni službenik je dužan da osigura da postupak imenovanja bude adekvatan kako bi se prije konačnog imenovanja kandidata moglo ustanoviti postojanje bilo kakvog sukoba interesa koji bi bio prepreka navedenom imenovanju.
4. Kriteriji za imenovanje na bilo koju poziciju u reguliranom organu moraju biti relevantni i odnositi se na poziciju koja se popunjava, te moraju jasno pokazati da su relevantni za zadovoljavanje potreba reguliranog organa za koji se predlaže imenovanje.

Član 7.

Standardi i kriteriji

1. Svi kandidati za imenovanje u regulirane organe dužni su da ispunjavaju sljedeće opće uvjete:

- a) da su stariji od 18 godina,
 - b) da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
 - c) da se na njih ne odnosi član IX. 1. Ustava Bosne i Hercegovine.
2. Osim ovih općih uvjeta u svrhu određivanja osnove za izbor prema kvalitetu odgovorni javni službenik utvrdit će standarde za izbor i ocjenjivanje u smislu stepena obrazovanja, znanja, iskustva, poznavanja stranih jezika i drugog, što je, prema njegovom mišljenju, neophodno ili poželjno s obzirom na prirodu poslova koje treba obavljati.
 3. U izradi kriterija za imenovanje može se zatražiti i uzeti u obzir mišljenje rukovodioca reguliranog organa u koji se vrši navedeno imenovanje o pitanjima kao što su kriteriji za izbor (uključujući stepen obrazovanja, stručno znanje i iskustvo i druge posebne uvjete) za pravilno vršenje funkcije.
 4. Prilikom utvrđivanja ili primjene standarda iz st. 2. i 3. ovog člana, odgovorni javni službenik neće vršiti diskriminaciju prema bilo kome na osnovu rase, nacionalnog ili etničkog porijekla, boje, vjere, pola, bračnog statusa, porodičnog statusa, invalidnosti ili zbog postojanja osude za koju je izrečeno pomilovanje.
 5. Odgovorni javni službenik kriterije za imenovanje čuva u evidenciji.
 6. Kada postupak imenovanja vrši lice u ime odgovornog javnog službenika, prije objavljivanja oglasa za upražnjenu poziciju odgovorni javni službenik odobrava pisane kriterije za imenovanje.

Član 8.

Oglašavanje upražnjene pozicije

1. Nakon što su odobreni kriteriji za imenovanje oglas za upražnjenu poziciju se obavezno mora objaviti na najefikasniji mogući način. Oglas se mora objaviti najmanje u "Službenim novinama Federacije BiH" i barem u jednom dnevnom listu velikog tiraža s ciljem da bude dostupan najširoj javnosti. Odgovorni javni službenik dužan je čuvati svu evidenciju vezanu za oglašavanje upražnjenog mjesta.
2. Oglas za upražnjenu poziciju sadrži:
 - (a) opis upražnjene pozicije, uključujući i pojedinosti o ulozi potencijalnog kandidata;
 - (b) opće uvjete potrebne za poziciju iz člana 7. stav 1. tač. od a) do c);
 - (c) ostale uvjete koje je potrebno ili poželjno ispunjavati za tu poziciju iz člana 7. st. 2. i 3;
 - (d) uvjete iz člana 7. st. 2. i 3. koji su obavezni za tu poziciju i one koje je samo poželjno zadovoljavati;
 - (e) ako se za poziciju traži da se ispuni obrazac prijave, jasna uputstva kako se obrazac može dobiti;
 - (f) spisak potrebnih dokumenata, rok i mjesto za podnošenje prijave. Krajnji rok za podnošenje prijave ne smije biti kraći od 14 dana od dana objavljivanja oglasa o upražnjenosti poziciji u traženim novinama.
3. Oglas o upražnjenosti poziciji treba da bude dovoljno detaljan da bi kandidatima dao potpunu informaciju o u lozi koju treba vršiti u reguliranom organu, nadoknadi, uvjetima službe i dužini trajanja imenovanja i mogućnosti ponovnog imenovanja.
4. Osim ako se svakom kandidatu ne dostavlja pisana odbijena u oglasu o upražnjenosti poziciji mora se jasno naglasiti da oni podnosioci prijave sa kojima se ne stupi u kontakt u određenom roku, a nakon roka za podnošenje prijave neće biti uzeti u razmatranje u daljem procesu imenovanja.

Član 9.

Komisija za izbor

1. Komisija za izbor je zadužena za pregledanje prijave.

2. Odgovorni javni službenik je odgovoran za imenovanje članova komisije za izbor. Komisija za izbor se sastoji od pet članova od kojih su najmanje tri državni službenici (kako je to regulirano Zakonom o državnoj službi) ministarstva ili drugog organa odnosno agencije nadležne za regulirani organ u koji se predlaže imenovanje. Prilikom imenovanja članova komisije za izbor odgovorni javni službenik vodit će računa o tome da članovi komisije za izbor po mogućnosti budu lica koja su pokazala da poznaju odredbe ovog zakona o ministarskim, vladinim i drugim imenovanjima, čiji je ovaj član dio i koja posjeduju stručno znanje u odgovarajućim oblastima. Druga dva člana komisije za izbor imenuje odgovorni javni službenik također na osnovu kriterija iz prethodne rečenice.

Član 10.

Razmatranje prijave i uži izbor

1. Komisija za izbor pregledat će sve prijave koje stignu u propisanom roku.
2. Komisija će na osnovu principa iz člana 3. ovog zakona i kriterija za imenovanje sastaviti listu s užim izborom najboljih kandidata koji ispunjavaju kriterije za imenovanje.
3. Ni jedan kandidat neće biti stavljen na listu s užim izborom ukoliko nije povoljno ocijenjen prema kriterijima za imenovanje.
4. Sve odluke, uključujući i one koje sadrže odbijenice, moraju u potpunosti biti dokumentovane i moraju se čuvati u ministarstvu ili vladinoj službi, organu ili agenciji u čijoj je nadležnosti regulirani organ.
5. Svi kandidati liste s užim izborom pozivaju se na intervju. Prilikom pozivanja kandidata na intervju, svaki kandidat koji je ušao u uži izbor mora dobiti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.
6. Komisija za izbor će prije intervjua zahtijevati da kandidati koji su ušli u uži izbor daju podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima.

Član 11.

Intervju

1. Komisija za izbor poziva sve kandidate koji su ušli u uži izbor na intervju.
2. Intervju se mora obaviti na način kojim će se osigurati poštovanje principa iz člana 3.
3. Sve odluke koje potiču sa intervjua, uključujući i one sa odbijenicom, u potpunosti se dokumentuju.
4. U toku intervjua komisija za izbor osigurat će sljedeće: (i) da su svi kandidati u potpunosti upoznati sa standardom ličnog integriteta koji se traže za lica imenovana na javnu poziciju; (ii) da su pitanja o sukobu interesa objašnjena i razmotrena detaljno sa svim kandidatima; (iii) da su svi kandidati u potpunosti informirani o pravu javnosti putem mehanizama koji su detaljno navedeni u ovom zakonu, da može uložiti prigovor protiv imenovanja koje se razmatra.

Član 12.

Konačna imenovanja nakon intervjua

1. Nakon intervjua i na osnovu u potpunosti dokumentovanih odluka svakog člana komisije, komisija za izbor će putem pisane preporuke predložiti rang-listu sa najboljim kandidatima odgovornom javnom službeniku na daljnje razmatranje. Pisana preporuka sadrži sve relevantne informacije koje izborna komisija ima o kandidatima i njene preporuke.
2. Smatra se da je kandidat koji je prvi na rang-listi i kojeg je preporučila većina članova komisije za izbor najuspješnije prošao otvorenu konkurenciju.
3. Nakon što komisija za izbor dostavi prijedlog rang-liste kandidata odgovornom javnom službeniku on će, osim ako ima opravdane razloge (s dokazima koji to potvrđuju)

da vjeruje da principi i procedure utvrđeni ovim zakonom nisu ispoštovani ili da bi imenovanje bilo kojeg od kandidata s predložene liste s užim izborom dovelo do sukoba interesa, osigurati da se izvrši konačno imenovanje kandidata koji je prvi na rang-listi u skladu s postojećim zakonima, pravilima i propisima. Ukoliko se ne može izvršiti konačno imenovanje kandidata koji je prvi na listi zbog bilo kojih razloga navedenih u ovom stavu, kandidati koji su rangirani kao slijedeći na listi s užim izborom bit će razmatrani za imenovanje.

Član 13.

Objava imenovanja

Odgovorni javni službenik se stara da se sva konačna imenovanja odmah objave u "Službenim novinama Federacije BiH".

Član 14.

Razrješenje

1. Smatra se da je došlo do kršenja principa iz člana 3. ukoliko je odgovorni javni službenik vršio ovlaštenja svoje funkcije na taj način da je nezakonito razriježio imenovano lice u reguliranom organu na dan ili nakon stupanja ovog zakona na snagu.
2. U smislu ovog zakona smatra se da je imenovano lice nezakonito razriješeno, što je onda predmet člana 16. ovog zakona, kada ne postoje zakonske osnove za razrješenje ili kada je razrješenje izvršeno bez provedenog pravičnog i propisanog postupka.

Član 15.

Tajnost i zaštita podataka

Lični podaci o podnosiocima prijava su tajni i mogu se prikupljati i obrađivati samo u skladu s odredbama Zakona o zaštiti ličnih podataka Bosne i Hercegovine ("Službeni glasnik BiH", broj 32/01).

Član 16.

Prigovori

1. U slučaju kada postoje dokazi da principi utvrđeni u članu 3. ovog zakona ili postupci nisu ispoštovani, bilo koji član javnosti može podnijeti prigovor na konačno imenovanje u skladu s odredbama ovog zakona.
2. Prigovor se podnosi odgovornom javnom službeniku, a kopija se dostavlja ombudsmenu za ljudska prava Federacije (Zakon o Ombudsmenu Federacije Bosne i Hercegovine, "Službene novine Federacije BiH", broj 32/00). Odgovorni javni službenik će u roku od sedam dana od dana prijema prigovora obavijestiti podnosioca prigovora o ulozi ombudsmena.
3. Odredbama ovog zakona se ni na koji način ne mogu ograničiti ovlaštenja ombudsmena utvrđena Zakonom o Ombudsmenu Federacije. Ombudsmen može preduzeti sve mjere neophodne da se prigovor ispita. Ombudsmen može pokrenuti pitanja vezana za postupak imenovanja na koji se prigovor odnosi i može zahtijevati da odgovorni javni službenik njegovom uredu dostavi sve dokumente i spise vezane za navedeno imenovanje.
4. Odgovorni javni službenik mora uredu ombudsmena dostaviti pisani odgovor na prigovor u roku od 14 dana od dana kada je dat prigovor.
5. Ukoliko većina dokaza upućuje da je konačno imenovanje izvršeno u suprotnosti s principima iz člana 3. ovog zakona i postupcima utvrđenim ovim zakonom, ombudsmen je dužan da nadležnog javnog službenika pisano informira o svim nepravilnostima koje su proistekle iz procesa imenovanja.
6. Ombudsmen je dužan da pripremi nalaz i zaključke vezano za prigovor. Zaključci mogu sadržavati preporuku tamo gdje dokazi upućuju, kako je već navedeno, daje došlo do kršenja principa iz člana 3. ovog zakona i procedura utvrđenih ovim zakonom. Ombudsmen može, bez iznošenja povjerljivih informacija (uključujući i lične podatke o kandidatima) objaviti nalaze i zaključke,

uključujući i preporuke. Također, ombudsmen dostavlja svoje nalaze i zaključke licu (ili licima) koje je podnijelo prigovor.

Član 17.

Postupanje po preporuci ombudsmena

1. Kada je nalaz ombudsmena konačan po pitanju da postupak imenovanja nije proveden u skladu s odredbama ovog zakona, ombudsmen može dati preporuku odgovornom javnom službeniku da se konačno imenovanje poništi i da se pristupi novom postupku imenovanja.
2. Ukoliko ombudsmen da preporuke odgovornom javnom službeniku s ciljem da se usvoje nove mjere, odgovorni javni službenik dužan je da u određenom vremenskom roku dostavi pisani odgovor u kojem će obavijestiti ombudsmena o postupcima i rokovima za provođenje tih postupaka na osnovu navedenih preporuka.
3. Ako odgovorni javni službenik ne odgovori u skladu s odredbama stava 2. ovog člana, ili ako ombudsmen nije zadovoljan navedenim odgovorom ili prijedlogom mjera na osnovu njegovih preporuka, svoje nalaze i preporuke vezano za imenovanje upućuje Parlamentu Federacije.

Član 18.

Završne odredbe

1. Ovaj zakon će se čitati zajedno sa i kao dopuna postojećim zakonima, uredbama, pravilima odnosno propisima Federacije odnosno Bosne i Hercegovine i osim ako ti zakoni, pravila, uredbe odnosno i propisi nisu u suprotnosti s odredbama ovog zakona, te se njime ne mijenja lice ili organ (uključujući svakog ministra u vladi, vladu, kantonalne, gradske ili općinske organe, drugog zvaničnika ili organ) koji je ovlašten za konačno imenovanje lica u regulirani organ prema postojećim zakonima, pravilima, uredbama odnosno propisima.
2. U roku od tri mjeseca od stupanja na snagu ovog zakona Vlada Federacije, kantonalni, gradski i općinski organi vlasti dostavit će ombudsmenu spisak svih lica koja se nalaze na pozicijama na koje se ovaj zakon odnosi zajedno s opisom tih pozicija, kao i trenutno upražnjene pozicije.

Član 19.

Prijelazne odredbe

Ponovno imenovanje

1. Bez obzira na odredbe člana 14. ovog zakona odgovorni javni službenik može u roku od 12 mjeseci od stupanja ovog zakona, a na osnovu odredaba ovog zakona, provesti postupak revizije svih imenovanja na sadašnje pozicije.
2. Na osnovu postupka revizije iz prethodnog stava odgovorni javni službenik može, u pravičnom i pravilnom postupku, razriješiti imenovana lica i za te pozicije provesti novi postupak imenovanja u skladu sa odredbama ovog zakona.
3. U smislu ovog zakona i dok Zakon o državnoj službi u Federaciji ne stupi na snagu, sve reference u ovom zakonu na Zakon o državnoj službi tumačit će se kao reference na Zakon o državnoj službi u institucijama Bosne i Hercegovine. Kad god se u ovom zakonu koristi izraz "državna služba" njegovo značenje je isto kao u Zakonu o državnoj službi u institucijama Bosne i Hercegovine. Uz to reference u Zakonu na "institucije Bosne i Hercegovine" će se, u zavisnosti od konteksta, tumačiti, u svrhu ovog zakona, kao institucije Federacije Bosne i Hercegovine.

Član 20.

Stupanje na snagu

Ovaj zakon stupa na snagu 26. februara 2003. godine.

Predsjedavajući Doma naroda Parlamenta Federacije BiH Slavko Matić, s. r.	Predsjedavajući Predstavničkog doma Parlamenta Federacije BiH Muhamed Ibrahimović, s. r.
--	---

**ZAKON
O IZMJENAMA I DOPUNAMA ZAKONA O
MINISTARSKIM, VLADINIM I DRUGIM
IMENOVANJIMA FEDERACIJE
BOSNE I HERCEGOVINE**

Član 1.

U Zakonu o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03), u članu 2. u stavu 1. u tački 1.6. na kraju teksta dodaju se nove rečenice koje glase: "Odgovorni javni službenik iz ove tačke je lice ili organ koje je osnovao navedeni regulirani organ. Ako je regulirani organ ili organe osnovao Parlament Federacije Bosne i Hercegovine, skupština kantona, skupština grada ili općinsko vijeće tada je odgovorni javni službenik Parlament Federacije Bosne i Hercegovine, skupština kantona, skupština grada ili općinsko vijeće. Ako je regulirani organ osnovala Vlada Federacije Bosne i Hercegovine, vlada kantona, gradonačelnik ili općinski načelnik tada se oni smatraju za odgovornog javnog službenika u smislu ovog zakona".

Član 2.

U članu 3. u stavu 2. tačka (C) briše se.
Dosadašnje tač. (D) i (E) postaju tač. (C) i (D).

Član 3.

Član 4. mijenja se i glasi:

"Član 4.

Nominacije/imenovanja na kraći period

Nominacije/imenovanja na kraći period su nominacije ili imenovanja na najviše tri mjeseca koja se ne mogu ponoviti."

Član 4.

U članu 6. stav 2. briše se.
Dosadašnji st. 3. i 4. postaju st. 2. i 3.

Član 5.

U članu 7. st. 3. i 6. brišu se.
U stavu 4. riječi: "st. 2. i 3." zamjenjuju se riječima: "stava

2."

Dosadašnji st. 4. i 5. postaju st. 3. i 4.

Član 6.

U članu 8. u stavu 2. u tački (c) riječi: "st. 2. i 3." zamjenjuju se riječima: "stav 2. ovog Zakona";

U tački (d) riječi: "st. 2. i 3." zamjenjuju se riječima: "stav 2. ovog zakona";

Stav 4. briše se.

Član 7.

U članu 9. stav 2. mijenja se i glasi:

"2. Odgovorni javni službenik imenuje članove komisije za izbor. Komisija za izbor se sastoji od pet članova."

Iza stava 2. dodaju se novi st. 3., 4. i 5. koji glase:

"3. Prilikom imenovanja komisije za izbor vodi se računa o zakonu ili statutu na osnovu kojeg je osnovan organ. Ako je u tom zakonu ili statutu o osnivanju organa propisan posebni postupak izbora ili sastava komisije za izbor na pozicije u reguliranom organu tada se postupa po odredbama tog zakona ili statuta.

4. Ako je organ u kojem se vrši imenovanje u cjelokupnom vlasništvu nadležnog organa i nadležni organ ima potpuno ovlaštenje za imenovanje u reguliranom organu tada odgovorni javni službenik samostalno imenuje komisiju za izbor iz stava 2. ovog člana, te se komisija sastoji od uposlenika tog organa.

5. Ako je u zakonu ili statutu propisano da i drugi organ ima ovlaštenje za imenovanje svojih predstavnika u regulirani organ, tada odgovorni javni službenik tog

organa imenuje svoju komisiju za izbor za one predstavnike za koje je nadležan i provodi postupak u skladu sa ovim zakonom."

Član 8.

U članu 10. stav 5. briše se.

Dosadašnji stav 6. postaje stav 5.

Član 9.

U članu 11. iza stava 1. dodaje se novi stav 2. koji glasi:

"2. Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja."

Dosadašnji st. 2., 3. i 4. postaju st. 3., 4. i 5.

Član 10.

U članu 13. na kraju rečenice tačka se zamjenjuje zarezom i dodaju riječi: "ili službenim novinama kantona, grada ili općine."

Član 11.

Član 14. briše se.

Član 12.

U članu 15. broj "32/01" zamjenjuje se brojem "49/06".

Član 13.

U članu 16. u stavu 1. riječi: "bilo koji član javnosti" zamjenjuju se riječima: "zainteresirana stranka".

Stav 2. mijenja se i glasi:

"2. Prigovor se podnosi odgovornom javnom službeniku, a kopija se dostavlja Ombudsmenu za ljudska prava Bosne i Hercegovine."

U stavu 3. riječi: "Zakonom o Ombudsmenu Federacije" zamjenjuju se riječima: "Zakonom o Ombudsmenu za ljudska prava Bosne i Hercegovine".

U stavu 5. riječi: "većina dokaza upućuje" zamjenjuju se riječima: "dokazi upućuju".

Član 14.

U članu 18. stav 2. briše se.

Član 15.

Član 19. briše se.

Član 16.

Ovaj zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Radoje Vidović, s. r.

Predsjedavajući
Predstavničkog doma
Parlamenta Federacije BiH
Fehim Škaljić, s. r.

Temeljem članka IV.B.7. a)(IV) Ustava Federacije Bosne i Hercegovine, donosim

**UKAZ
O PROGLAŠENJU ZAKONA O IZMJENAMA I
DOPUNAMA ZAKONA O MINISTARSKIM, VLADINIM I
DRUGIM IMENOVANJIMA FEDERACIJE
BOSNE I HERCEGOVINE**

Proglašava se Zakon o izmjenama i dopunama Zakona o ministarskim, vladinim i drugim imenovanjima Federacije Bosne i Hercegovine koji je donio Parlament Federacije BiH na sjednici Zastupničkog doma od 02.07.2013. godine i na sjednici Doma naroda od 25.07.2013. godine.

Broj 01-02-758-02/13
06. kolovoza 2013. godine
Sarajevo

Predsjednik
Živko Budimir, v. r.

Član 6.

(Prestanak važenja dosadašnje Odluke)

Stupanjem na snagu ove odluke prestaje da važi Odluka o kriterijima za imenovanje na poziciju članova Nezavisnog odbora za izbor i reviziju policijskog komesara broj: 01-5-18084-2/11 od 24.05.2011. godine.

Član 7.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-25022/17
31. jula 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 7. stav 2. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 34/03 i 65/13), i člana 117. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst broj 41/12, 15/13, 47/13, 47/15, 48/16), Skupština Kantona Sarajevo, na sjednici održanoj dana 31.07.2017. godine, donijela je

ODLUKU

**O STANDARDIMA I KRITE RIJIMA ZA IMENOVANJE
PREDSJEDNIKA I ČLANOVA NADZORNOG ODBORA
KANTONALNE AGENCIJE ZA PRIVATIZACIJU
SARAJEVO**

Član 1.

(Predmet Odluke)

- (1) Ovom odlukom Skupština Kantona Sarajevo utvrđuje standarde i kriterije za imenovanje na poziciju predsjednika i članova Nadzornog odbora Kantonalne agencije za privatizaciju Sarajevo.

Član 2.

(Uslovi za imenovanje)

- (1) Za predsjednika i člana Nadzornog odbora Kantonalne agencije za privatizaciju Sarajevo može biti imenovan kandidat koji ispunjava sljedeće opće uslove:
- a) da je državljanin Bosne i Hercegovine;
 - b) da je stariji od 18 godina;
 - c) da nije otpuštan iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja upražnjene pozicije;
 - d) da se na tog kandidata ne odnosi član IX 1. Ustava BiH (da se ne nalazi na izdržavanju kazne izrečene presudom Međunarodnog tribunala za bivšu Jugoslaviju i niti je pod optužnicom Tribunala, a nije se povinovao-la naredbi da se pojavi pred tribunalom);
 - e) da nije osuđivan za krivično djelo;
 - f) da nije osuđivan za privredni prijestup;
 - g) da se protiv njega ne vodi krivični postupak;
 - h) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08).
- (2) Pored navedenih općih uslova, kandidat koji se imenuje za predsjednika i člana Nadzornog odbora Kantonalne agencije za privatizaciju Sarajevo, treba da ispunjava i sljedeće posebne uslove:
- a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja,
 - b) da ima najmanje pet godina radnog staža u struci,
 - c) da je upoznat sa propisima iz oblasti privatizacije,
 - d) da posjeduje sposobnost da savjesno, odlučno i odgovorno obavlja upražnjene pozicije,

- e) da posjeduje sposobnost nepristrasnog donošenja odluka,
- f) da posjeduje sposobnost upravljanja finansijskim resursima i naklonjenost timskom radu,
- g) da posjeduje komunikacijske i organizacijske sposobnosti,
- h) da nije član u više od jednog upravnog ili nadzornog odbora u drugom organu ili instituciji.

- (3) Dokaz o ispunjavanju uslova iz stava (1) tačka e), f) i g) ovog člana, pribavlja organ imenovanja, po službenoj dužnosti, samo za izabrane kandidate i tek po okončanju Javnog oglasa.

Član 3.

(Ravnopravnost pri izboru)

- (1) Prilikom utvrđivanja ili primjene standarda neće se vršiti diskriminacija prema bilo kome na osnovu rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.
- (2) U toku postupka vodiće se računa o spolnoj zastupljenosti.

Član 4.

(Oglašavanje)

- (1) Na osnovu općih uslova utvrđenih u članu 7. stav 1. Zakona o ministarskim, vladinim i drugim imenovanjima Federacije Bosne i Hercegovine i standarda i kriterija iz ove odluke Komisija za izbor i imenovanja i administrativna pitanja Skupštine Kantona Sarajevo će raspisati javni oglas za imenovanje predsjednika i članova Nadzornog odbora Kantonalne agencije za privatizaciju.
- (2) Komisija za izbor i imenovanja i administrativna pitanja Skupštine Kantona Sarajevo će imenovati komisiju za provođenje javnog oglasa.

Član 5.

(Čuvanje standarda i kriterija)

Standardi i kriteriji za imenovanje čuvaju se u evidenciji Komisije za izbor i imenovanja i administrativna pitanja Skupštine Kantona Sarajevo.

Član 6.

(Prestanak važenja dosadašnje Odluke)

Stupanjem na snagu ove odluke prestaje da važi Odluka o kriterijima za utvrđivanje prijedloga kandidata za članove Nadzornog odbora Kantonalne agencije za privatizaciju Sarajevo broj 01-05-5769/07 od 02.04.2007. godine.

Član 7.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-25023/17
31. jula 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 7. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09, 22/11, 1/13 i 21/14), Skupština Kantona Sarajevo, na Osmoj hitnoj sjednici održanoj dana 31.07.2017. godine, donijela je

ODLUKU

**O POTVRĐIVANJU RAZRJEŠENJA PREDSJEDNIKA I
ČLANOVA SKUPŠTINE KANTONALNOG JAVNOG
KOMUNALNOG PREDUZEĆA "VODOVOD I
KANALIZACIJA" D.O.O. SARAJEVO**

I

Ovom Odlukom potvrđuje se razrješenje predsjednika i članova Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo (u daljem tekstu: Skupština Preduzeća), i to:

Član 32.

(Novi član 77a.)

Iza člana 77. dodaje se novi član 77a. koji glasi:

"Član 77a.

(Preuzimanje zaposlenika)

- (1) KJP "Sarajevo-šume" dužne su od dana početka primjene ovog zakona, čuvare šuma koji su bili zaposleni u Upravi za šumarstvo na poslovima neposredne zaštite šuma preuzeti i rasporediti bez javnog oglašavanja, a u skladu sa njihovom stručnom spremom i radnim iskustvom.
- (2) O preuzimanju čuvara šume iz stava (1) ovog člana zaključit će se sporazum između Ministarstva i KJP "Sarajevo-šuma".
- (3) Vlada će donijeti odluku o prenosu imovine u vlasništvu Kantona Sarajevo koja je potrebna za obavljanje poslova neposredne zaštite šuma od strane KJP "Sarajevo-šume".

Član 33.

(Izmjena člana 78.)

Član 78. mijenja se i glasi:

"Član 78.

(Donošenje podzakonskih akata)

- (1) Vlada će u roku od šest mjeseci od dana stupanja na snagu ovog zakona donijeti:
 - a) Odluku o uslovima i načinu prodaje šumskih drvnih sortimeni i nedrvenih šumskih proizvoda iz člana 47. stav (5) ovog zakona,
 - b) Odluku o visini naknade za davanje šume i šumskog zemljišta u državnom vlasništvu u zakup i za osnivanje prava služnosti na šumi i šumskom zemljištu u državnom vlasništvu iz člana 55. stav (6) ovog zakona,
 - c) Odluku o prenosu imovine u vlasništvu Kantona Sarajevo koja je potrebna za obavljanje poslova neposredne zaštite šuma od strane KJP "Sarajevo-šume" iz člana 77a. stav (3) ovog zakona.
- (2) Ministarstvo će u roku od šest mjeseci od dana stupanja na snagu ovog zakona izvršiti izmjene i dopune podzakonskih akata Zakona u skladu sa odredbama ovog zakona.
- (3) Ministar će u roku od jedne godine od dana stupanja na snagu ovog zakona donijeti sljedeće podzakonske akte:
 - a) Pravilnik kojim se propisuju elementi izrade, sadržaja i minimalnih uslova za izradu i donošenje kantonalnog šumsko-razvojnog plana iz člana 6. stav (7) ovog zakona,
 - b) Pravilnik kojim se propisuje sadržaj i postupak donošenja projekta za izvođenje gospodarenja šumama iz člana 12. stav (14) ovog zakona,
 - c) Uputstvo za tehnički prijem radova kojim će biti definisan sastav komisije za tehnički prijem izvedenih radova po projektu za izvođenje iz člana 16. stav (8) ovog zakona,
 - d) Pravilnik kojim se propisuje način i oblik vođenja registra evidencija iz člana 46. stav (6) ovog zakona,
 - e) Pravilnik o načinu izvršavanja zadataka, obliku i sadržaju legitimacije čuvara šuma, izgledu uniforme i općim kriterijima za utvrđivanje čuvarskih reona iz člana 58. stav (11) ovog zakona."

Član 34.

(Utvrđivanje prečišćenog teksta)

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Zakona o šumama Kantona Sarajevo u roku od šest mjeseci od dana stupanja na snagu ovog zakona.

Član 35.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo", a početak će se primjenjivati po isteku 90 dana od dana njegovog stupanja na snagu.

Broj 01-02-19325/22
09. maja 2022. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17) i člana 20. Zakona o Agenciji za privatizaciju ("Službene novine Federacije BiH", br. 18/96, 2/02 i 110/12), Skupština Kantona Sarajevo, na 52. Radnoj sjednici održanoj dana 09.05.2022. godine, donijela je

ZAKON**O KANTONALNOJ AGENCIJI ZA PRIVLAČENJE
INVESTICIJA I PRIVATIZACIJU****I - OPĆE ODREDBE**

Član 1.

(Osnivanje)

Ovim zakonom osniva se Kantonalna agencija za privlačenje investicija i privatizaciju (u daljem tekstu: Agencija), utvrđuje njen pravni položaj, sjedište, djelatnost i nadležnost, upravljanje, rukovođenje i finansiranje.

**II - PRAVNI POLOŽAJ, SJEDIŠTE I POČETAK RADA
AGENCIJE**

Član 2.

(Pravni položaj)

- (1) Agencija ima svojstvo pravnog lica.
- (2) Agencija je specijalizovana organizacija Kantona Sarajevo (u daljem tekstu: Kanton).

Član 3.

(Sjedište)

Sjedište Agencije je u Sarajevu.

Član 4.

(Početak rada)

Agencija počinje sa radom danom imenovanja direktora.

III - DJELATNOST I NADLEŽNOST AGENCIJE

Član 5.

(Djelatnost Agencije)

Agencija vrši stručne i druge poslove i sa njima povezane upravne poslove utvrđene zakonima i drugim propisima, koji se odnose na podršku u privlačenju investicija, privatizaciju, koordinaciju i korištenje EU i drugih međunarodnih i domaćih fondova na nivou Kantona.

Član 6.

(Nadležnost u oblasti privlačenja investicija)

- (1) Agencija predstavlja centralno mjesto u Kantonu na koje se upućuju potencijalni i postojeći domaći i strani

- investitori za sve informacije vezane za poslovno okruženje, konkurentske prednosti i investicione mogućnosti u Kantonu, za podršku prilikom realizacije ulaganja i postinvesticionu podršku.
- (2) U okviru svoje djelatnosti iz oblasti podrške privlačenju investicija, Agencija provodi aktivnosti podrške Vladi Kantona Sarajevo (u daljem tekstu: Vlada Kantona) i resornim ministarstvima Kantona na privlačenju, pomaganju i podsticanju domaćih i stranih ulaganja za domaće i strane ulagače u Kantonu, koordinaciji institucija kantonalnog i lokalnog nivoa, te saradnji sa institucijama federalnog i nivoa Bosne i Hercegovine u oblasti domaćih i stranih ulaganja, a u vezi sa privlačenjem, pomaganjem i podsticanjem istih.

Član 7.

(Nadležnost u oblasti privatizacije)

U okviru svoje djelatnosti u oblasti privatizacije Agencija vrši:

- organizovanje i podsticanje privatizacije privrednih subjekata na području Kantona;
- odobranje početnog bilansa privrednih subjekata u skladu sa metodologijom za pripremu privrednih subjekata za privatizaciju;
- određivanje, provođenje, organizovanje i nadziranje privatizacije privrednih subjekata na području Kantona;
- zaključivanje ugovora o privatizaciji privrednih subjekata putem prodaje privrednih subjekata, leasinga i drugih metoda;
- organizovanje i podsticanje obrazovanja i stručnog usavršavanja u oblasti privatizacije;
- pružanje savjetodavne pomoći privrednim subjektima na području Kantona u oblasti privatizacije;
- organizovanje i provođenje informativno-promotivnih djelatnosti u oblasti privatizacije; i
- obavlja i druge poslove u vezi sa privatizacijom, utvrđene zakonom i drugim propisima i odlukama Vlade Kantona.

Član 8.

(Nadležnost u oblasti koordinacije i korištenju EU i drugih međunarodnih i domaćih fondova)

U okviru svoje djelatnosti iz oblasti koordinacije poslova na apliciranju za korištenje EU fondova i ostvarivanju saradnje sa EU fondovima i drugim fondovima uz saglasnost resornog ministarstva, Agencija vrši:

- planiranje i praćenje procesa implementacije IPA fondova, kao i osiguranje neophodnih preduslova za iste;
- obavljanje priprema za jačanje apsorpcijskih kapaciteta Kantona za predpristupne, kohezione, strukturalne i druge fondove EU kao i druge međunarodne i domaće fondove;
- praćenje, analiziranje, izvještavanje i davanje preporuka za poboljšanje projekata na prostoru Kantona finansiranih iz EU i drugih međunarodnih i domaćih fondova;
- pripremu projekata finansiranih iz EU i drugih međunarodnih i domaćih fondova za Vladu Kantona, ministarstva Kantona, ostale organe uprave i upravne organizacije Kantona, javna preduzeća

Kantona, Grad Sarajevo i općine na području Kantona;

- koordiniranje rada predstavnika Kantona u radnim grupama vezano za IPA fondove;
- organizovanje edukacija i drugih vidova stručnog usavršavanja kadrova u korištenju fondova EU, prije i nakon pristupanja EU;
- učestvovanje u skupljanju i davanju informacija potrebnih za pisanje izvještaja za Bosnu i Hercegovinu unutar svoje djelatnosti;
- komuniciranje, kontaktiranje i koordiniranje sa nadležnim institucijama sa svih nivoa vlasti, a naročito sa Uredom Vlade Federacije Bosne i Hercegovine za EU integracije i Uredom Državnog IPA koordinatora u skladu sa njihovim nadležnostima.

IV - UPRAVNO RJEŠAVANJE I UPRAVNI NADZOR

Član 9.

(Upravno rješavanje u oblasti privatizacije i zaključivanje ugovora)

- Agencija, u okviru svoje nadležnosti u oblasti privatizacije, donosi pojedinačne upravne akte, na osnovu materijalnog propisa, a u skladu sa zakonom koji reguliše upravni postupak.
- U okviru ovlaštenja utvrđenih zakonom i drugim propisima, Agencija u postupku privatizacije zaključuje ugovore i posreduje u zaključivanju ugovora.

Član 10.

(Upravni nadzor)

Po žalbama na prvostepena rješenja Agencije, donesena u upravnom postupku u oblasti privatizacije, rješavaju ministarstva Kantona, svako u okviru svoje nadležnosti.

V - SARADNJA SA DRUGIM ORGANIMA I INSTITUCIJAMA

Član 11.

(Saradnja sa drugim organima i institucijama)

U okviru svoje djelatnosti Agencija sarađuje sa organima Bosne i Hercegovine, Federacije Bosne i Hercegovine, organima uprave Kantona i drugih kantona u Federaciji Bosne i Hercegovine, općinskim i gradskim organima uprave u Kantonu, međunarodnim institucijama i organizacijama u skladu sa uputama Vlade Kantona.

Član 12.

(Obaveza dostave informacija i pružanja podrške)

Sva ministarstva i organi uprave u Kantonu, niži nivoi jedinica lokalne samouprave, kao i privredna društva kojima upravlja ili u čijem upravljanju učestvuje Kanton po osnovu državnog kapitala, dužni su dostavljati sve informacije i pružati svu podršku koja je potrebna Agenciji za realizaciju aktivnosti iz čl. 6., 7. i 8. ovog zakona.

VI - UPRAVLJANJE I RUKOVOĐENJE AGENCIJOM

Član 13.

(Organi Agencije)

Organi Agencije su Upravni odbor, Nadzorni odbor i direktor.

Član 14.

(Sastav Upravnog odbora i odgovornost za rad)

- Agencijom upravlja Upravni odbor.

- (2) Upravni odbor se sastoji od predsjednika i dva člana koje imenuje Skupština Kantona Sarajevo (u daljem tekstu: Skupština Kantona) na prijedlog Vlade Kantona, na period od četiri godine.
- (3) Upravni odbor za svoj rad odgovoran je Vladi Kantona i Skupštini Kantona.

Član 15.

(Nadležnosti Upravnog odbora)

Upravni odbor Agencije:

- a) donosi Statut Agencije, uz saglasnost Vlade Kantona;
- b) donosi Poslovnik o svom radu;
- c) donosi druge opće akte Agencije na prijedlog direktora, izuzev Pravilnika o radu;
- d) usvaja finansijski plan i program rada Agencije na prijedlog direktora;
- e) usvaja završni račun i izvještaj o radu Agencije;
- f) vrši i druge poslove u skladu sa zakonom i Statutom Agencije.

Član 16.

(Sastav Nadzornog odbora i odgovornost za rad)

- (1) Nadzor nad zakonitošću rada i finansijskog poslovanja Agencije provodi Nadzorni odbor.
- (2) Nadzorni odbor se sastoji od predsjednika i dva člana, koje imenuje i razrješava Skupština Kantona, na period od četiri godine.
- (3) Nadzorni odbor za svoj rad odgovoran je Skupštini Kantona.

Član 17.

(Nadležnosti Nadzornog odbora)

Nadzorni odbor Agencije:

- a) nadzire rad Agencije;
- b) donosi Poslovnik o svom radu;
- c) razmatra finansijski plan i program rada Agencije i daje mišljenje Upravnom odboru;
- d) razmatra završni račun i izvještaj o radu Agencije i daje mišljenje Upravnom odboru;
- e) vrši i druge poslove u skladu sa zakonom i Statutom Agencije.

Član 18.

(Direktor)

- (1) Agencijom rukovodi direktor.
- (2) Direktora imenuje i razrješava Vlada Kantona.
- (3) Direktor se imenuje na mandat od četiri godine i može biti ponovo imenovan na još jedan mandat.

Član 19.

(Nadležnosti direktora)

- (1) Direktor organizuje, koordinira i rukovodi izvršenje poslova u Agenciji.
- (2) Direktor u svom radu:
 - a) rukovodi Agencijom;
 - b) predstavlja i zastupa Agenciju;
 - c) odgovara za zakonitost rada, pravilno i zakonito vođenje materijalno-finansijskog poslovanja Agencije;
 - d) donosi Pravilnik o radu;
 - e) odlučuje o zapošljavanju i raspoređivanju radnika Agencije;
 - f) donosi pojedinačne pravne akte iz nadležnosti Agencije;

- g) provodi odluke, zaključke, upute i druge akte Vlade Kantona, Upravnog i Nadzornog odbora Agencije;
- h) obavlja i druge poslove utvrđene zakonom, Statutom i drugim općim aktima Agencije.

Član 20.

(Statut)

Statutom Agencije uređuje se naročito:

- a) organizacija i način poslovanja Agencije;
- b) upravljanje, nadzor i rukovođenje Agencijom;
- c) zastupanje i predstavljanje Agencije; i
- d) druga pitanja u vezi sa poslovanjem Agencije.

VII - FINANSIRANJE AGENCIJE**Član 21.**

(Finansiranje Agencije)

Sredstva za rad Agencije osiguravaju se u Budžetu Kantona.

Član 22.

(Finansijsko poslovanje)

- (1) Finansijsko poslovanje Agencije vrši se u skladu sa propisima koji regulišu trezorsko poslovanje.
- (2) Raspodjela prihoda koje Agencija ostvari po osnovu obavljanja poslova iz svoje nadležnosti vrši se na osnovu odluke Vlade Kantona.

VIII - PRELAZNE I ZAVRŠNE ODREDBE**Član 23.**

(Prestanak rada Kantonalne agencije za privatizaciju)

Kantonalna agencija za privatizaciju prestaje sa radom danom početka rada Agencije.

Član 24.

(Rok za imenovanje direktora)

Vlada Kantona će imenovati direktora u roku od 30 dana od dana stupanja na snagu ovog zakona.

Član 25.

(Statut i opći akti)

- (1) Upravni odbor Agencije će donijeti Statut uz saglasnost Vlade Kantona u roku od 15 dana od dana njegovog imenovanja.
- (2) Upravni odbor Agencije će donijeti Pravilnik o unutrašnjoj organizaciji i druge opće akte Agencije u roku od 30 dana od dana donošenja Statuta.

Član 26.

(Rok za imenovanje Upravnog i Nadzornog odbora)

- (1) Vlada Kantona će imenovati Upravni odbor u roku od 30 dana od dana stupanja na snagu ovog zakona.
- (2) Skupština Kantona će na prijedlog Vlade Kantona imenovati Nadzorni odbor, u roku od 60 dana od dana stupanja na snagu ovog zakona.

Član 27.

(Prestanak mandata)

Mandat direktora, Upravnog odbora i Nadzornog odbora Kantonalne agencije za privatizaciju prestaje sa danom prestanka rada Kantonalne agencije za privatizaciju.

Član 28.

(Preuzimanje zaposlenika)

Danom početka rada Agencija preuzima zaposlenike koji se zateknu na radu u Kantonalnoj agenciji za privatizaciju do dana njenog prestanka rada.

Član 29.

(Preuzimanje poslova, opreme, sredstava za rad, arhive, akata, predmeta i druge dokumentacije)

Danom početka rada Agencija preuzima poslove, opremu, sredstva za rad, arhivu, akte, predmete i drugu dokumentaciju kao i druga prava i obaveze Kantonalne agencije za privatizaciju, čiji je pravni sljednik.

Član 30.

(Prestanak važenja ranijeg propisa)

Danom stupanja na snagu ovog zakona prestaje da važi Zakon o Kantonalnoj agenciji za privatizaciju ("Službene novine Kantona Sarajevo", br. 6/97, 7/00 i 19/11).

Član 31.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-19243/22

09. maja 2022. godine

Sarajevo

Predsjedavajući

Skupštine Kantona Sarajevo

Elvedin Okerić, s. r.

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 24. Zakona o prijavljivanju i postupku provjere podataka o imovini nosioca javnih funkcija u Kantonu Sarajevo ("Službene novine Kantona Sarajevo", broj 18/19 i 12/22), Vlada Kantona Sarajevo, na 76. sjednici održanoj 28.04.2022. godine, donijela je

UREDBU**O IZMJENAMA UREDBE O USPOSTAVLJANJU I VOĐENJU REGISTRA LIČNIH PODATAKA O IMOVINI I POSTUPKU PROVJERE IMOVINE NOSIOCA JAVNIH FUNKCIJA U KANTONU SARAJEVO**

Član 1.

(Izmjena člana 1.)

U Uredbi o uspostavljanju i vođenju Registra ličnih podataka o imovini i postupku provjere imovine nosioca javnih funkcija u Kantonu Sarajevo ("Službene novine Kantona Sarajevo", broj 25/19), član 1. mijenja se i glasi:

"Član 1.

(Predmet)

Ovom uredbom propisuje se način uspostave, sadržaj, oblik i način vođenja Registra podataka o imovini (u daljem tekstu: Registar) nosioca javnih funkcija u Kantonu Sarajevo, prijem prijava podataka o imovini i poklonima nosioca javnih funkcija iz čl. 8., 14., 15. i 17. Zakona o prijavljivanju i postupku provjere podataka o imovini nosioca javnih funkcija u Kantonu Sarajevo ("Službene novine Kantona Sarajevo", broj 18/19 i 12/22) (daljem tekstu: Zakon), način čuvanja i uništavanja podataka, postupak kontrole i provjere podataka o imovini i poklonima, pokretanje prekršajnog postupka, podnošenje prijava nadležnim organima i druga pitanja od značaja za uspostavljanje i vođenje Registra."

Član 2.

(Izmjena člana 4.)

Član 4. mijenja se i glasi:

"Član 4.

(Dosje nosioca javne funkcije)

- (1) Ured za svakog nosioca javne funkcije otvara poseban dosje.
- (2) Dosje sadrži: inicijalnu prijavu (prijavu imovine svih nosioca javnih funkcija u trenutku stupanja na snagu Zakona), prijavu imovine prilikom preuzimanja dužnosti, godišnje prijave, prijave poslije završetka obavljanja javne funkcije ili razrješenja i prijave na zahtjev Ureda.
- (3) Prikupljeni Obrasci prijave imovine i elektronski obrasci evidentiraju se u djelovodniku.
- (4) U djelovodnik se unose broj i datum prijema Obrasca prijave imovine i elektronskog obrasca i lični podaci o nosiocu javne funkcije, i to: ime i prezime, matični broj, prebivalište i/ili boravište."

Član 3.

(Izmjena člana 8.)

U članu 8. stav (1) tačka e) riječ: "kamate" zamjenjuje se riječju: "štednju".

Član 4.

(Izmjena člana 10.)

Član 10. mijenja se i glasi:

"Član 10.

(Način prijave imovine)

- (1) Nosilac javne funkcije prijavu podataka o imovini podnosi Uredu na Obrascu prijave imovine i elektronskom obrascu iz člana 18b. Zakona.
- (2) Oba obrasca dostupna su na internetskoj stranici Ureda (www.anticorruptiks.com).
- (3) Obrazac prijave imovine nakon popunjavanja nosilac javne funkcije svojeručno potpisuje i dostavlja Uredu, neposredno ili preporučenom poštanskom pošiljkom.
- (4) Prijavljivanje imovine na elektronskom obrascu nosilac javne funkcije pokreće podnošenjem zahtjeva Uredu posredstvom aplikacije koja se nalazi na početnoj stranici Informacionog sistema Ureda (www.anticorruptiks.com).
- (5) Nakon podnošenja zahtjeva, nosilac javne funkcije na svoj e-mail dobija pristupnu šifru za pristup elektronskom obrascu.
- (6) Poslije unosa podataka u elektronski obrazac i njihovog pohranjivanja/spremanja nosilac javne funkcije isti štampa, potpisuje i dostavlja Uredu, a podaci o imovini koje je nosilac javne funkcije unio u elektronski obrazac neposredno se objavljuju na internetskoj stranici Ureda.
- (7) Nosilac javne funkcije je, u skladu sa članom 11. stav (2) Zakona, dužan dostaviti Uredu i izjavu da nije pokrenuo nikakve aktivnosti sticanja imovine iz člana 8. Zakona, po završetku javne funkcije po bilo kojem osnovu. Izjava se odnosi na imovinu koju nosilac javne funkcije nije prijavio.
- (8) Izjava iz stava (7) ovog člana dostupna je na internetskoj stranici Ureda.
- (9) Način popunjavanja Obrasca prijave imovine i elektronskog obrasca detaljno će se propisati Uputstvom o načinu popunjavanja Obrasca prijave imovine i elektronskog obrasca iz člana 18b. stav (5) Zakona.

Član 5.

(Izmjena člana 12.)

U članu 12. stav (4) mijenja se i glasi: